

北澤正  
誠編輯

象山先生詩鈔

卷之上

919.5

Sa536s

K

099616-001-6

919.5-Sa536sK

象山先生詩鈔

佐久間 象山 / 著

上

M11

DBV-2208





919.5 Sa 5360 K

予一喜不登天而一異國の船始て渡り上  
 来一古樓表の諷の盛なり起り其為  
 不昔希府乃今令も行い外難く成り新  
 一七信神派同其を便々同象心る見くより  
 世一如故然に其眼ありて  
 皇國乃其政を赫々となし際を廣く一又  
 明一進むより事々主張一之世の論者より  
 雷同せよとしるを時不答られず一と失し  
 け己今と行ひらぬいらむ不登かすりある

皇國乃其政を赫々となし際を廣く一又

大正十一年四月  
神陵遷座  
了展陳也

象山先生  
先生啓  
先生啓  
先生啓  
先生啓  
先生啓  
先生啓  
先生啓



# 象山先生詩鈔

北澤正誠 子進 編  
小林虎炳 文  
子安峻士 德 核

明治十一年四月

日就社印



112378



919.5 Sa 536a K

一、喜望の如く、皇國の始て渡り  
 来りて、懷表の鏡の盛りの起り、其為  
 不若希府の号令も行ひ、其難く成り、其  
 し、信通派同好を、何れも同象心と見たり  
 世に如き、其の眼ありて  
 皇國の英武を、赫々たる、際を廣く、一又  
 明に進む、その事、主張して、世の論者、  
 雷同せし、その時、客ら、其を、失り、  
 け、已今、上、行、から、入、め、ら、む、下、を、か、す、の、あ

象山先生詩鈔

大正十一年四月  
 神代遺書  
 象山先生  
 詩鈔  
 小虎炳文  
 于安峻士  
 德校

# 象山先生詩鈔

北澤正誠子進編  
 小林虎炳文  
 于安峻士德校

明治十一年四月

日就社印



112378



ありのこゝろ行はせてもさしつかへせぬも用から  
れ居らぬといふことなき事なりと有りて然るも  
中年ありの月日を度て地行と其をへりて  
北に誠より先師の遺教を世に傳へむとせん  
をたし、おのれに一言を加へてよと云ふことありし日の  
に、田舎にゆくは田舎なりと、都ふことありて、あり  
り、おのれに一言を加へてよと云ふことありし日の  
及くも、おのれに一言を加へてよと云ふことありし日の  
人をも、おのれに一言を加へてよと云ふことありし日の  
けふの世に、おのれに一言を加へてよと云ふことありし日の

む、おのれに一言を加へてよと云ふことありし日の  
を、おのれに一言を加へてよと云ふことありし日の  
おのれに一言を加へてよと云ふことありし日の

あはれに

おのれに

おのれに

おのれに



三  
治十年十一月

二島親王亮

象山佐久間先生肖像







子孫承傳

心一必言

付



子孫承傳

乃子孫承傳





子孫承傳  
心家言

舟



子孫承傳  
乃其心家言



一。一。一。一。一。一。一。一。一。一。

乃。乃。乃。乃。乃。乃。乃。乃。乃。乃。

早。早。早。早。早。早。早。早。早。早。



古者修詩以中

為標新字

少中修詩



象山詩鈔序

松代北澤子進嘗蒐輯其師  
佐久間象山先生之詩。近又鈔  
為二卷。將付之梓。而以序屬余。  
余竊歎世之作詩者多矣。讀其  
詩。而其人可得而知者。無幾也。若



夫讀其詩而匪獨知其人。并可知其世者。千百而不一睹。而今于象山先生見之矣。當天係弘化。開承平日久。文恬武熙。士風媮惰。而西洋諸國之勢威。將漸及東洋諸國。故士之抱遠識者。往往以

海防為慮。流涕太息。溢于言論。然猶未者。折衷東西學。能自成一家言。且應當茲之務者也。先生自少潛心經史。及長。廣就師友。磨礪智識。又講究兵漙。演治火技。名蔚然起。世推為通儒。而先



生則欲焚未以為足也。三十餘歲始攻蘭學。四十而能成一家言。慨然以天下自任。非豪傑之士而能若是乎。嗚乎。先生非詩人也。然先生志尚之高遠。氣度之俊邁。學術之宏深。識見之超卓。以至遊

學交友。君臣遇合。禍福出處。因不流。露于吟詠之間。故讀其詩。而先生之為人。可得而知也。且夫先生嘗以一身而關天下之故矣。自幕改陵奪。米船入港。以來。或上策而不見采。或因友而旋罹禍。



或放廢山中。而混跡樵牧。或應徵抵京。而猝遭不測。其間觸緒縈懷。輒有題詠。在先生。不過感慨時事。陶寫性情。而國家變革。時世紛更。之故。悉於是寓焉。友讀先生詩。匪獨可知其人。

并可以知其世也。昔者白蘇二公。後人以年月次第其詩。生平事蹟。具見本末。如先生其殆庶幾乎。嗚呼。余嘗讀先生詩。見<sub>三</sub>蘄<sub>二</sub>然山<sub>一</sub>聳于天<sub>甲</sub>半也。矯々然鳳<sub>一</sub>騫于雲際也。若<sub>下</sub>世



之品紅評紫。徒爭工拙于字  
句間者。曷足與語此哉。

明治十年九月十二日

江都 敬宇中邨正直撰



序

先師象山先生夙抱經世之才而  
潛心東西學多年以立一家言嘗  
原易理著砲卦以謂水火相剋雷  
電相激為砲象而其義則睽也且  
余平生所遭遇無一非睽者亦甚  
奇矣圖事揆策而莫用其謀睽也  
竭忠盡力而反招罪戾睽也夫先




生所抱負既已如此，加以識見之超邁，區區詞章固不足道也。然詩者心聲也，其氣盛則其言闕，其思沈則其旨遠。悲喜感憤觸緒而發，未必不足藉以見其所蘊蓄也。蓋先生之詩淵源漢魏，出入唐宋，能言難言之情，寫難寫之狀。若夫天地之所以悠久，日月之所以著明，

山岳之所以峙而不崩，河海之所以流而不息，及寒暑之往來，潮汐之進退，凡格知之說，會通中外，發揮其理，故篇中往往有尋常詩家之不能及者焉。所謂學兼東西，以立一家言者，亦足以見其一端矣。吁嗟先生數奇不遇，畢生之事業不免為睽，遂罹奇禍之慘，豈其才



之識之大且遠、世不能容之邪、是不惟為我同門所悼惜、又海內志士所同慨也、方今聖明在上、百度維新、設使先生猶在、其必有大造乎邦國者、而今則亡矣、悲夫、  
明治十年十二月十八日

門人北澤正誠



先生詩鈔

言四則

嘉永甲寅夏、坐吉田義卿事、下獄、舊稿多散逸、元治甲子秋、遭難京師、余倉皇奔赴、先取平生遺稿、使人托諸師姻勝海舟君、後旁搜多方、哀為數卷、藏之有年、既而先師嗣子病沒、孤孫尚在襁褓、頃者同門先輩、小林炳文、子安士德等、慮遺稿或歸湮滅、將刻之、使余鈔之、余乃付之二子、校訂印行焉、  
一先師天保己亥、再遊江戶、自卜居於阿玉池、抵嘉永甲寅、逮繫禁錮、是為上卷、其秋放還舊里、幽囚數年、抵甲子夏、徵赴京師、是為下卷、中間凡二十餘年、叙



次歲月以便覽閱庶幾其出處本末可以概見矣  
一先師交游令存者不過數人而其舊且親無若大槻  
磐溪中村敬宇二先生故請其序及批評揭之  
一先師在京師也持開港議案謁二品山階親王途為  
賊所害當時攘夷論熾世無知先師者獨親王能知  
而容之故請親王高什冠于卷首附以先師肖像及  
勝山岡二君之題詞

明治十年丁丑秋九月

門人北澤正誠敬識

象山先生詩鈔卷之上

信濃 北澤正誠子進 編

門人 越後 小林虎炳文

美濃 子安峻士德 校

○東遊紀行 十九首

驥神馳千里鶴念在九臬人而無大志豈不  
耻羽毛奮發求至道促裝與翔翹辛苦期報  
國自誓此心牢  
予以丁酉秋乞遊學之暇戊戌冬始  
得允今茲己亥二月征裝粗辦乃以

警翁曰子明終  
身之業既決於  
此行矣  
以下不署名  
者盡係警翁  
評  
敬字曰起四句  
可為吾人座右  
箴



有此女丈夫之  
言子明其不以  
大丈夫自期乎

送者百餘人何  
其多也亦足以  
卜子明平生友  
愛矣

十二日 阿孃雖有訓。臨別淚縱橫。晨昏闕定省。

菽水衰養榮。雖然期非久。勉強須安情。都下

卜新居。板輿我將迎。訓曰篤實志道勤苦進德雖在千里外吾之慶猶在吾膝下也

如其志行凡陋與儕俗等夷雖甘旨極養扶携致勞吾不樂矣 駕言發山麓。送行滿

路岐。欲答友誼厚。聊為陳茲詩。行止雖殊道。

使尼各有時。此別休惆悵。勵志共心期。故舊子第百餘

人送予於西郊。禮意甚殷。文師結草菴。々々古城曲。門種一

株梅。窓移數竿竹。為懷渴饑情。今夜此投宿。

風山

多謝故舊意。談笑屢更燭。文師字鳳山別號竹菴鼓琴善華音隱於上田

城南之常田村。予嘗學華音於師。最蒙愛遇。是夕投宿其

廬。師大喜。手供酒茶。晤譚歡洽。應酬綢繆。不覺夜漏既闌。

嗟哉我何人。一文與兩英。々々遠候我。侵晨

出春城。道左不相逢。慙然難為情。明朝應疾

邀。與共話平生。予往以與本田伯楙論學術書寄上田醫官林大輝許其友加藤子

成傳而讀之。有所奮發。與大輝益研究正學。是日聞予上

途。相將俟予於城北二里外。情誼亦至。而道路相左。竟不

遭逢。聞之於文師。晨起盥漱罷。忽聽楚然響。倒屣

迎相拜。執手慰快々。正學頽敗餘。何幸得斯

敬字曰轉接處  
每佳



黨自此有輔翼。不復怯魍魎。翌朝日未昇，大輝先至尋而子成亦來，弟

屬次從焉，相與講論道義，其說多與余所見符，歡喜何可言耶。世道日衰竭。天理幾

泯沒。人々迷徑蹊。動輒致顛蹶。君家傳神方。

取功非恍惚。願言為天下。一整萎蕭骨。是日午後與子

成兄弟同遊于大輝依仁堂，又論正學，大輝家世傳整骨之術，名譽振於遠近云。昨夜宿依仁。

今日遊松園。把酒話所見。符同欲忘言。故舊

夜來至。驚喜更斟罇。歡情未云畢。東窓上晨

瞰。十四日遊松園，加藤氏所居也，園皆髯松，新翠照人如濯，是夜八木山田二兄來會，有致知格物為飛魚

躍之論，笑言達旦，臨去，用壁間之韻，賦一詩，留別子成，詩云：立身豈被世風飄，行道不關人口喧，王霸事畧通霄話，

義利公私盡日論，注想由來孔孟室，入頭只有程朱門，踴別慇懃但努力，愧將浮誕在文園。主翁字

垣甫。經業舊所欽。過門得晤言。懽然愜素心。

却承次子託。悚惕政爾深。易教雖古道。末學

奈不任。垣甫子成，屬次之所生，嘗受學於林祭酒先生，蓋予同門先輩矣，氣格高峻，一望可知其非常

人。上人不是我。棄三日伴吾騎。吟詩信口和。行酒

殫情醉。非公交友深。詎有情誼備。耿々何時

忘。清霄勞夢寐。專精寺空山人，為余舊詩友，是行送余至上田，逗留三日，今朝又送別



於郊外道上惠詩云客路春深杳渺間吟鞭又叩翠霞關  
請君自慰羈中思去對芙蓉舊識顏予和云欲別躊躇立  
道間暗愁無意和陽關芙蓉雖淺獄吐黃烟宛似燕  
香鼎。溟濛起雲雨。掩藹遮日景。開闢幾千年。

間斷無少頃。有本者如此。仰望知所省。橋夢忽

在追分原地勢較高無復長林連披而東北望淺  
間嶽於青雲之端亦足快心目也。是夕宿追分驛。驅輿下

碓氷。感觸發吾志。沃野千里開。杳渺與天際。

培塿不遮日。遊曠極清快。度量得似此。豈難

容。群類十六日發追分道香掛經輕井澤登碓氷嶺至  
絕頂東北平野開豁翠烟蒼靄浩渺無際神情

有此曠世之懷  
日本武尊獨垂  
愧於吾丈孀夫  
言乎

古樂府韻餘又  
云以詩論之此  
首為壓卷

為之遐冲恍然似有所覺古人云關外一矯看靈山  
高山大野激發志氣信有以也哉

鬱嶙峋。仙聖時降集。宿昔所緬聞。丹臺留隱

訣。紫府藏秘文。舉手謝世人。從此棲白雲。義妙

山。一曰白雲山。距橫川關二里而遠。危峭纒辭。信地

偉拔。為關東奇觀。雜書載。曾有仙人住此。纒辭。信地

寒。忽驚梅花早。籬落風薰夕。林梢月皓夕。奈

何驛旅生。吟賞易草夕。欲折附驛使。佳人在

遠道。自坂本至松井田誰料出碓關。又宿斯驛

雪。虛枕簷溜響。寒林風威冽。中夜屢驚夢。起



座空愁絕。迴想象山畔。雪竹幾竿折。是夜宿松

雪大雨雪失春意。忽怯征衣單。景昏禽語苦。

風卷樹聲寒。泥行幾里程。前路尚漫々。板橋

吟。座客亦知行路難。十七日雪未晴寒風殊勁。橋裏

前。眠醒橋窓裏。橋窓似齋窓。但少梅影耳。修塘進小

橋。自似遊覽客。左望筑波岑。右眺富士嶽。况

又陽春候。紅綠轉繁錯。斯行若奉母。中心更

幾樂。十八日風發深谷。過熊谷塘。日麗雪洋。風色可喜。

亦足忘疇昔之苦艱。因念使阿嬾觀此富士筑波

敬字曰一篇七  
百六十言叙景  
抒懷曲々入妙  
頗似東坡寄子  
由五百言詩而  
襟抱之大更過  
之

當時吐此論唯  
有子明與余耳  
丈夫貴先見今  
日開明尚有懷

之景其歡當如何  
哉。此夕宿浦輪驛。芙蓉凌紫宵。嶄巖八萬丈。衆山

伏其足。自然不爭長。中間日月旋。麓底風雷

響。奇特已如此。孰不致欽仰。今日入江門。座

覺天宇寬。生徒已無恙。僮僕亦喜歡。忽憶簾

幃情。又回轎中看。記行附置郵。聊以報平安。

十九日自浦輪  
過板橋入江都

○讀洋書

漢土與歐羅。於我俱殊域。皇國崇神教。取善



夫大惑者可歎也  
敬字曰罪竟大  
惑今猶不醒也  
歎浩

自補。翫。彼美。固可參。其瑕何須匿。王道無偏  
黨。平。女。歸。存。極。咄哉。陋。儒子。無乃懷大惑。

○寶劍歌

大鹵精金棠溪上。化淬功成欲騰空。楚關崇  
一固不啓。虎吼時起玉匣中。我友通士解緝  
象。獨知寶氣徹蒼穹。一朝得之持相示。使人  
忽然豁襟胸。星文霜華利吹毛。秋水寒凝碧  
芙蓉。神光照室夜不暗。百邪千妖遠絕蹤。我

是子明本色然  
非其至者

欲乞去口未言。精神先旺膽氣雄。吁爾平生  
片心能贈我。直跨東海斬毒龍。

○無題

澆風散古道。人情日譎詭。赫々天日下。行立  
半狐鬼。割服廬墓側。未必是孝子。弊車駕羸  
馬。未必是廉士。所以阮步兵。白眼世人視。

○玉池寓居

阿玉池頭避熱塵。暑無籠辱到茲身。移花洗

大孝之子真廉  
之士安在我將  
求之於無何有  
之鄉



是蓋參玉池吟社詩以其有星巖口氣也

柳閑生計。待月迎風舊主人。披卷豈無千古友。傾尊自有四時春。世間利勢何須問。這裏收權殊不貧。

有一鳥下于南庭。羽毛淺紫。長喙而黃足。其大如母鷄。狀頗似鶉。臆前有白圓點。背上成波文。予生北地。目未見鷓鴣。然按圖經考之。恐是邪。

北人始見南禽貌。毛彩不羣堪品評。背上浪

紋雲錦麗。臆前圓點雪花明。汨羅廟畔曾開翅。孤竹祠邊定喚名。吾志久知行不得。不須苦作斷腸聲。

古遺愛生以魯公爭座帖為贈賦答最愛平原忠義餘。天真爛熳有誰如。野人久已厭拘束。不學嚴家餓隸書。

讀醫書

夙通脉理張橫渠。晚聚經方敬陸輿。我亦中



年有所感。時披海外濟生書。

○天城山

南豆饒名勝。最稱天城山。欲至無羽翮。引領空朝昏。此日定何日。獨往解襟煩。塞羅踰巖嶮。躡石度潺湲。岡巒幾疊層。苔徑欲千盤。悄悄絕人境。古木挂吟猿。冢頂一遊目。紫翠下周環。滄海渺無際。但見白雲屯。丹闕應非遠。金城欲及門。靈秀愜幽賞。遐想陋九寰。忽焉

欲遁跡。無奈綱常存。搔首向前路。振袂下嶺岷。

晚過函嶺。望西北五峯。時凍雨新晴。濕雲歸山。色如墨染。濃澹疊層。神變萬狀。駭心動目。得二絕句。

五峯出沒晚雲間。潑墨層々勢欲奔。若使虎兒逢此景。當年不必畫姚村。

淋漓天地好粉本。大米小米學茲奇。妙境平



生難數會。嶺頭停轡立多時。

○蟠桃湍 在松代北轄野山中  
方言湍讀如泉

幽溪十二曲。翠壁千尋餘。雲樹絡葛蔓。日影不窺隅。中有驚湍注。白龍爭奔趨。飛霧如襲人。草木皆霑濡。我來三伏時。慙與炎氛踈。清風吹鬚髮。爽氣滿襟裾。忽見長眉翁。雲端佇軒車。贈我以瑤草。授我以玉書。道緣已非淺。豈為名跡拘。高揖謝世人。自此遁塵區。

敬字曰神韻悠遠

○巖管山 在吾松代治內  
信中第一高山

靈境遠天尺。五更見燭籠。拂雲穿壁洞。捫葛度巖松。東海吞夷島。南天揖富峯。何時解塵絆。振策逐仙蹤。

○陶朱公

鼓進平吳不逆天。功成身退五湖煙。中心未捨人間事。也止陶山作富仙。  
賴子成

余嘗有一絕以類錄于此破吳已雪會稽耻安樂何堪鳥喙長肯使西湖秋水洗殘粧



未盡山陽不識  
南豐子成之幸  
耳

敬字曰自占地  
步甚所以為大  
家  
高

昔日詞場張一軍。雄鷄恰是在雌群。終生不  
識南豐面。高與小兒談古文。

癸卯首夏歸觀母親常山山寺兄見餽  
魚筍喜而賦詩呈之聊申謝悃

我久客江門。忽聆北闕疾。即日趣輕裝。兼道  
馳快駟。昏經碓氷巔。霧冥天若漆。曉過小諸  
驛。落月沉山麓。犯雨復衝風。不寒心惴慄。五  
百有餘里。跋涉但三日。入門問安否。二豎已

遯逸。驚喜拜座前。感泗潛垂膝。意定話平生。  
彼此各嫌悉。母子盡權娛。融々調寶瑟。懼堂  
常山別號 孩童舊。情交殊稠密。欣我歸觀辰。母恙  
亦寧謐。玉盤餽鱗鮮。新筍劇露苗。烹飪供晚  
饌。異香盈陋室。姊甥時來臻。慶喜更洋溢。下  
筓復進杯。宴嬉何時畢。南山現歡容。蒼翠當  
戶出。林園帶喜色。花木蒸芬苾。母顏尤融怡。  
對之笑腴腴。人生得此樂。王公安足匹。



答常山兄二首

敬字曰先生不  
妄許可人物而  
獨於常山翁推  
獎如此足見當  
時交契之深也

落月隱庭樹。漏聲夜正央。交臂話古今。立論  
服堂々。爲撥宣爐灰。手焚一瓣香。澆茗談轉  
濃。頻惜夜不長。功利黜霸畧。學術稱帝王。欲  
速見小利。國脉多遂傷。可嘆用事者。此義昏  
茫茫。納約牖未闢。爲之迴中腸。微力諒有限。  
敢曰爲世倡。相期從此學。永挹聖賢芳。  
遡游不可及。宛在水中央。之子天資美。才器

稱廟堂。機變通武畧。何惟文墨香。雄偉驚懦  
俗。鍊劍三尺長。心術歸正學。語言道先王。中  
心勞國事。旦暮懷憂傷。知音又誰在。邦土徒  
茫茫。一詩忽贈我。披誦見肝腸。忠懇已如是。  
誰不從其倡。維持須努力。不朽貽其芳。

○無題

平生狂志愛曾點。世事何須說是非。草堤經  
雨青如織。墨水春風思詠歸。

眞箇點也氣象



與李長吉同情  
異趣

曉躡月光來。漫陀。炊煙漸闕水邊家。香風吹  
面馬蹄快。看盡春堤十里花。

○蓮詩隲括愛蓮說

草木花甚蕃。噫子獨愛蓮。不染乎淤泥。淨植  
濯清漣。亭亭宜遠觀。何可褻玩焉。

庚戌七月將之浦賀。阻風於靈巖洲。時應下  
會稱先

生招講  
新砲學

成事有功世。羈役非所勞。諸子與我諧。道從

意氣豪。暮夜命行裝。啓途情已迢。秋旻盪氣  
滓。粲然星斗高。如何風未便。卷帆送落潮。座  
臥守孤樓。鬱々竟永霄。譬之懷長策。無媒欲  
獻朝。延領望天際。浩歎首空搔。

○初秋感懷

人壽七八十。我已失半生。鬢邊雖未霜。漸覺  
減其莖。秋風不復夏。頽日難再昇。及時不騁  
志。形骸豈無傾。家聲久不振。名冑空伶仃。吾



心固非石。念之深傷情

○雜感六首

余以庚戌冬十二月十八日發江都、二十三日遷松代、中途得疾、至今不

愈、病間得詩數首、差後錄之、

海水環回祥氣浮。龍蟠虎踞帝王州。何時暫服西人志。貢獻象駝交馬牛。

自非心服難防奸。英吉佛郎原傲頑。苦憶漢家王佐相。當年籌策盡征蠻。

東邊拓地三千里。曾效荷蘭設學科。吾邦空

說英雄跡。百歲無人似伯多。

火輪截浪疾飛鷹。彼土近來多異能。此去洩旬到龍動。古人今起應疑冰。

生來曾慕萬夫雄。慷慨時々氣吐虹。吾手非無一尺筆。奈何爲國答羌戎。

聖賢有作順風氣。不敢後天存結繩。底事世間村學究。東方日出尙燃燈。

○西郊演礮而遇雨作

今日距嘉永二十四年尚有日出燃燈者不啻村學究也爲之慨嘆敬字曰磐翁評先獲我心



讀之亦稱快

老榴擘山電光開。操演人士呼快哉。聲勢鬧天雲皆去。四山鳴動驟雨來。

敬字曰率直言之而却琅々可誦以其氣盛也

辛亥春三月二十二日將諸子演五十斤石衝天砲於松代城西生萱村。此邊村落皆杏林。往往有山桃間之。開花爛熳。彌望如紅雲。而放巨砲於其間。真奇景也。

演大砲於杏花之下事既奇詩又太佳可以補杏壇杏林杏花村等數典故

春野乘晴演大砲。四林桃杏正芳菲。一聲霹

敬字曰絕句上乘

靄震天地。萬樹紅花撩亂飛。

讀宋氏風論喜而作

吾年十有五。讀易象山麓。玄夜玩辭象。或時至晨旭。冥會一何欣。理妙照心目。父老嗟其精。友朋稱其確。巖々張夫子。爲學真卓犖。刻苦着正蒙。兩程互相勗。顧彼巽風說。義類都未燭。如何在後賢。尊奉攀其闕。執異餘二紀。往來在心曲。一朝獲冥符。吾心頓慰沃。射者



雖殊科。所向在正鵠。誰謂萬里遠。神系固相屬。

張子曰。凡陰氣凝聚。陽在內者不得出。則奮擊而爲雷霆。陽在外者不得入。則周旋不舍而爲風。予謂陽卦主陽。陰卦主陰。易之通例也。坎之爲陷。陽陷於陰也。離之爲麗。陰麗於陽也。可以見矣。今張子說雷風。皆以陽爲主。失義類也。而

朱子以下。來談象者。多取之予所不解。○諸葛武侯贊

大賢乘大器。行藏存用舍。卓哉諸葛公。躬耕南陽下。一朝得其君。再吹劉家火。宏規本禮樂。細事暨流馬。逸躅邈難攀。飛聲塞區夏。千載拜遺像。欽挹我心寫。

○讀宋氏宇宙記子壬

余誦陶處士讀山海經詩。喜其冲澹深

卷中合作韻脚  
皆妥當妙不可  
言



余贍於洋學恨不能闡其幽而探其頤

粹。迨然有自得之意。然亦憾其所云終宇宙者。止於山海經穆天子傳恍惚怪奇之說也。余嘗病漢土諸賢。談論物理。多出臆度。而其失流於虛誕。竊欲救此弊。以西洋實測之言久矣。偶得獨乙人宋墨爾氏所著宇宙記而讀之。天地之大。日月之明。暑寒晝夜之運。風雲露雷之變。禽蟲草木之微。無一不闡其幽而

探其蹟。真可謂綜括宇宙。終始古今者。余甚樂焉。乃以處士俯仰終宇宙。不樂復何如。為韻作詩十首。若其思致拙劣。命辭凡陋。固無足稽。然至其云夕者。則竊以庶幾焉。第不識覽者以為如何耳。其一

宿好在詩易。推論折絲縷。勤苦過立年。物理竟莽鹵。遂取歐羅錄。闕漏聊自補。舊暗生新



知深艱。披快觀。偶得宋氏書。遍攬造化府。悠  
々宇宙間。正爾盡仰俯。

其二

燿靈被光雲。黑子露其壤。崑淵不見水。環山  
寂游沈。由棘豎其軸。二絕日初上。太鷲具氣  
海。朝夕有味爽。鎮輪載河嶽。歲道殊氛塊。辰  
鏃峻嶺竦。惑極雪野廣。星運證地動。彗蝕軌  
光往。數理推四三。乘星在指掌。發揮本實測。

敷宣非誣罔。至哉星天學。咨嗟足欽仰。

其三

金屬飽衆酸。洋々如醅釀。親力促降沈。大塊  
告成功。澄醅流就下。崧高現其峯。草木甫云  
暢。介鱗漸已充。乳育生高京。靈秀降其終。山  
谷有天秩。先後不可訐。貞石存殘形。通人識  
來蹤。

其四



伏燬發地底。奮震碎維柱。傾覆易高低。離合  
變區宇。巨浸自南翻。何山能支柱。駭浪注火  
坑。激噴作猛雨。傾瀉如飛泉。盪滌剝山土。停  
砂爲丘壠。填泥成園圃。今我步林巒。徘徊多  
所覩。依然山澤間。終古存其武。

其五

雲漢開素練。函目辨斗宿。々々是燬炎。光明  
彌宇宙。各在天一方。中處不遊走。塊曜旁旋

繞。九塊亦貳副。但爲相距迥。稠密如積霽。太  
虛真無涯。其際誰能究。

其六

疊々重兩金。鹹溷濡其渴。倏忽生妙力。神氣  
坐泱鬱。抵觸盪人臂。烈炎鑠金鏡。眇器今如  
此。大塊豈其不。山陵積沙礪。石炭橫其跋。氣  
水相浸潤。神力亦激發。火山噴紫煙。溫泉流  
素沫。其變或爲震。原嶽時剖裂。觀物鞠源委。



患害不難脫。泰西有郊子。為我啓理窟。

其七

冰山凌空秀。嵯峨如刻削。紅碧映日開。奇光  
遠相射。凝野接凝海。彌望絕林薄。曠黃長不  
夜。線耀照邱壑。迢々南州川。寶氣燦灼爍。塵  
金隨清流。人々可採獲。浮木生何許。迺在窮  
髮北。海客非資茲。何由得飪瀾。逶迤望北光。  
其樞合慈極。指鍼疾感動。首尾或時易。積氣

泛金鉛。坤仁全其廓。束水却鑿齒。墨峽失其  
弱。墜果悟鬼帶。刹燈明動則。奔星識太始。地  
雨辨隕石。得窮上下際。賴有疇人籍。恨不起  
陶令。周覽共此樂。

其八

湯海出泥山。何處見林藪。炭分迷海宇。黑煙  
但油々。日月黥不見。誰辨昏與晝。猛火起其  
間。恠鬼時遊走。地成生毛髮。煤炭得所做。氣



氛漸開明。此景遂不復。

其九

衆石成水火。々々互相磨。々盪千萬祀。或化泥與沙。我有照微鏡。精巧使人嗟。持此照石理。燦灼似春葩。燥濕異其觀。粒葉發人多。把石相山質。貧富誰敢託。寶藏從擺闔。山靈如子何。

其十

敬字曰讀來讀去只贊其妙而竟不能名其所以妙也

十首深奧精微非固陋如余者所能窺故不敢句亦不能句也

敬字曰謙如此所以爲磐翁

敬字曰妙在字句外

春陵說太極。五材誤其圖。婺源對屈問。暗中手相摹。而儒尙實測。早已破虛誣。茫茫覆載間。萬理轉煥乎。我亦同此地。何爲僻一隅。宜會東西言。以作一家書。學弊入骨體。聞見養空疎。世間少人傑。誰從余所如。

○天姥山

在松代西三里許俗稱姨捨山

天姥山頭秋月明。天姥山下秋水清。夜深好執紫簫管。丹桂花陰學鳳聲。



冬日宿上田客舍。八木誠之、加藤士成、林大輝等諸子來會，談論竟夕，詩以紀事。

短晷縮西澗。解裝倚行軒。喜此舊遊地。良友倏來屯。命酌各論志。慷慨道所存。精窮改故步。頃年余知漢土之學有所未備，因欲會集東西之學以成一家之言。俊策欣新觀。士成見示近日所著叢塚志甚佳。微妙人天理。幽深造化源。吐吞達永夜。不覺清曉寒。

○琴興十首 余嘗著琴錄

石林安綠綺。微暗未成聲。且聽流泉響。微吟待月明。  
膝上調清徵。目送山鳥飛。枯桐有餘韻。鳥影竟依稀。  
孤琴清夜月。聲合溪流響。絕調無人知。琅然祇自賞。  
山水失知音。千歲無消息。不遇鍾子期。茲情



竟誰識。

遇此新過雨。青林生暮涼。清英未及濕。音調故輕揚。

古洞愛幽深。彈琴伴孤鶴。巖花日夕。繖不是風。從落。

雲散松崖碧。月升微亦輝。為招稽叔夜。千載尙來歸。

谷風吹夕嵐。峯頂月來早。朱絃煩手登。白石

倩僮掃。

空齋夜寂寥。雨雪盈窓牖。燈下弄琴心。天涯懷尙友。

巖上掃青苔。春醪獨自酌。一醉歌南風。琴頭松子落。

○擬古

有魚在北溟。長大絕其夷。首尾各萬里。世人何得知。煦成天下雨。怒作天下遷。掀翻揚波



敬字曰無乃夫子自道歟

余有此和韻曰  
生在神州東海  
濶寸丹報國孰  
無心奈何俗吏  
狂平世不使仁  
人逢賞音米利  
堅方關海境英  
機黎尚煽雲祿  
礮臺高峙江門  
濶暗淚爭能不  
滿襟

浪。列宿為蔽翳。身大海猶淺。時々見其鱗。長  
鯨數有限。難以飽吾飢。託生未得所。何許是  
天池。

○癸丑春三月偶感示礮學生

未見礮臺環海濶。南風四月甚關心。但教廟  
畧無遺算。應有蕃船報好音。士庶何為忘德  
澤。江山亦自惡妖禳。武昌本是咽喉地。可使  
犬羊窺領襟。

○癸丑上巳會飲簡堂詩并引

王右軍上巳為蘭亭之會。在晉永和九年癸丑。今歲亦遇癸丑。是日之集。豈非  
勝事。因憶永和八年殷浩北伐無功。再  
舉屯泗口。右軍移書諫之曰。區々江左。  
天下寒心。固已久矣。處內外之任者。未  
有深謀遠慮。天下將有土崩之勢。任其  
事者。豈得辭四海之責哉。又與會稽王



是牋曰、不度德量力、不弊不已、此封內所以痛心歎悼者也、願先為不可勝之基、須根立勢舉、謀之未晚、浩不能從、遂有九年秋七月之敗、頃歲洋夷披猖、朶頤大邦、形迹既露、而不可勝之基、尙有未立者、俯仰之際、不能無感慨、因詩中及之、

敬字曰右軍識見超卓所謂不

良辰修故事、稷飲會詞林。乃誦蘭亭叙、深欽

度德量力不弊  
不已者豈獨為  
一時一世言哉  
浩歎

賢者心。去年爭北伐。今日在山陰。勝集雖可娛。回思感慨深。鯨鯢久奔盪。長策乏知音。真懷欲嗟悼。情況何古今。

癸丑仲夏

火輪橫恣轉江流。非是君臣惕日秋。忠義要張神國武。功名欲伐虜人謀。東圻起塔曾陳策。南島賒船盍有猷。兵事未聞巧之久。何人速解熱眉憂。



嘗游浦賀觀此詩揭在榻間蓋彼理始入我之年也

敬字曰胸中久已蓄此志不必待送吉田義卿詩而發于詩也

凝古

駕余將遠征。戒心命從者。遠征知何方。四夷久慢我。將馳聘大塊。流憩米歐野。瀛海多鯨鯢。風浪常翻簸。願一成吾志。歎無木與火。忠義已許國。何嘗失備情。

○癸丑秋自貽

白石清泉入夢頻。情懷久負故山春。才疎無補當今事。不若歸田終此身。

敬字曰此失意時作然不作悲憤語知其為有道者之旨也

是其取禍處挽仰今昔不慨嘆又此詩亦有靈骨宜被俗眼白也

君恩洪大難為量。特命催吾向故鄉。迺將世上風波險。管領山中日月長。

○再自貽

虛名早已誤候公。猿約鶴盟還作空。行止非人天意在。肯將利害撓胸中。

○送吉田義卿 九月十八日

之子有靈骨。久厭蹴躡群。振衣萬里道。心事未語人。雖則未語人。忖度或有因。送行出郭



敬字曰愚則欲  
換賓字作仲字

門。孤鶴橫。秋旻壞海何茫茫。五洲自成隣。周  
流究形勢。一見超百聞。智者貴投機。飯來須  
及辰。不立非常功。身後誰能賓。

○甲寅初春偶作

黠虜今應離故國。江門亦已度春風。設施未  
見回天力。物望誰當命世雄。疇昔戲譚憑呆  
堞。方今急務在元戎。昔者諸葛武侯謂連弩為  
元戎。今予則以礮為元戎。微  
臣別有伐謀策。安得風船下聖東。

鵬尾狂雷已可恟。春頭恒懊又愁儂。誰言人

事罔應感。洪範曰豫  
恒懊若不信天心有曲從。許國菲

才難得志。憂時無補欲飯農。春來未有慰懷

處。忼慨悲歌獨撫胸。

幾載鯨鯢橫海天。中州豫備尚依然。孰知兵

制隨時變。但說軍裝映日鮮。運礮未應須我

馬。守城却或要渠船。當今更有無窮事。志士

何時高枕眠。

敬字曰愛國心  
深許國志大洵  
可敬也勿笑其  
迂



句々如爲氣船  
設者何等奇構

敬字曰意象悠  
遠

○戲隲括杜詩詠蒸氣船

蕩々萬斛船。影若搖白虹。起櫓不推牛。職由  
集衆功。無待風動天。隨意大水中。

○題蒲田茶舖壁

七隻天船來聖東。江都官吏太倥偬。梅花不  
識人間事。依舊清芬吹海風。

無題

七道都城似散碁。控援未足待戎夷。遠謀今

敬字曰西洋器  
藝之精實與道  
德相爲表裏以  
道藝分貼東西  
恐未確安得起  
於九原而質之

日廟堂上。莫悔慢藏招盜兒。

東洋道德西洋藝。匡廓相依完圈橫。大地周  
圍一萬里。還須歛得半隅無。

○次小林炳文留別韻

甲寅三月炳文論  
國事獲罪歸長岡

久知天道易推移。家國興衰將問誰。伯紀遠  
謀人所惜。椒山抗疎世徒悲。一方却敵未知  
計。四顧稱雄何有期。不揆又遭今日別。傷心  
萬事付新詞。



○獄中寫懷以下係獄中作

久憂邊事歎天遠。忽墜此中悲海深。欲為皇朝存至計。敢因吾利勞知音。鷄鳴不已夜晦冥。鶴韻應通蒼霽陰。寄語吾門同志士。莫將榮辱負初心。不思城下作盟耻。却見忠貞抱忌疑。伯跌議疆長崎澳。聖東假地下田涓。異時輕敵已非策。今日伐謀知是誰。幽憤滿胃無所泄。獄中

敬字曰僧日蓮在地牢久後出牢言曰吾氣塞六合不覺地牢之隘也先生不謀一身利害以活氣所發詩句響亮

瀝血寫此詩。

○君恩

君恩如天地。國恩如江海。外患今非一。奮身思有濟。勉勵十餘年。何問明與晦。在卑欲為池。在高欲為壘。奈何肉食人。頽然若傀儡。苟安惕歲月。般樂敖且怠。當初情不來。不知恃有待。復不伐其謀。率然為所詒。假地缺金甌。屈膝甘無禮。反却知彼計。束縛直自累。咨余

君恩一語忠義節烈字々自肺腑中流出者可與文文山正氣歌並傳矣如彼皇國正氣歌張皇太過未免摸擬之痕耳



何爲者。致患忽遭逮。幽囚在犴獄。甘心待其罪。松柏有本性。歲寒節不改。忠義許君國。百折何曾悔。用間在得人。全勝在知彼。是非不可磨。公論期千載。

○敝箬五章

有箋

敝箬在海。魚則唯々。狄人戲謔。笑言有啜。比也。箬以竹爲器。以取魚者也。唯々。出入不制也。啜。笑貌。箬當在河。而今在海。况其

敝壞者。安得能取魚哉。宜乎其魚之唯々。然而出入無忌憚也。以比禦侮失策。而致狄人之陵蔑也。

曾欲御冬。亟歸旨蓄。莫顧我勞。反比于干毒。比也。御。當歸。貽。旨。美。蓄。聚也。曾蓄聚美菜。以爲餽貽。不一再者。蓋欲使以禦冬月之空乏也。以比安不忘危。治不忘亂者。泰寧之時。而深思遠慮。以數々然及邊防戎備



事也。

其霽々々。瞽々有霽。永言念國。不<sub>二</sub>瑕有害。  
比也。其者。冀其將然之辭。陰而風曰。瞽。雨  
土曰。霽。瑕。何也。冀其開霽。而卒不開霽。且  
陰々冷風。雨土蒙霧。以比衰替之世。欲有  
奮發改革。而狃習因循。流弊愈深。近患又  
生也。

幽室陰々。不日不月。言思君子。如饑如渴。

嗟爾君子。靡知臧否。懷私之故。有似充耳。

並賦也。靡不也。充耳。塞耳也。謂耳聾之人。

泄々八章

我艦未<sub>レ</sub>牢。我壁未<sub>レ</sub>盡。將者泄々。蠻方孔棘。  
艦之未<sub>レ</sub>牢。猶可<sub>レ</sub>治之。壁之未<sub>レ</sub>盡。猶可<sub>レ</sub>爲之。  
將者泄泄。云如<sub>二</sub>之何。

積薪如<sub>レ</sub>陵。火發<sub>二</sub>于下。載笑載言。晏然以處。  
匪風飄揚。匪澗澎湃。念彼神京。寤歎有<sub>レ</sub>愾。



睽卦

礙卦雖小冊子  
在子明著述中  
為一大奇書自  
非深易理兼通  
砲理者安能得  
述此書余嘗代  
子明請開梓林  
氏林氏不許至  
今為遺恨

憂思如燬。其誰知之。悲憤如噎。其誰思之。  
人不我諒。請勿復敢思。人不我信。請勿復敢  
悲。雖欲無思。與君為體。雖欲無悲。與國為系。  
夏夜之短。耿耿如年。標擗不寐。泣涕漣々。

○礙卦

子嘗演礙卦々々即睽卦也。爾來竊  
省子所遭遇。無一非睽者。亦甚奇矣。  
圖事揆策。而莫用其謀。睽也。竭忠盡

力。而反招罪戾。睽也。言辭確寔。而不  
免疑猜。睽也。貨財橫散。而家道困迫。  
睽也。雖然物窮則變。々則通。居以正  
道。固無終睽之理。且天地睽。而其事  
同也。男女睽。而其志通也。萬物睽。而  
其事通也。處睽之世。合睽之用。亦在  
自強之耳。

少小窮易理。中年研礙火。融會著礙卦。推演



敬字曰平生得力在此

訓蒙者。破卦本是睽。乖戾諸情寡。爾來我所  
為。拂亂躡而跛。憂國竭忠精。反自求飛禍。一  
與卦象應。或天其誠我。志因勞苦堅。行以勇  
決果。前脩皆如茲。猛省破頑惰。

故園

拘繫十旬心不平。秋風忽動故園情。牆陰但  
見狐鳥影。樵隙空望日月明。繞屋林泉何改  
色。傍門松菊不忘榮。水清石秀曾遊地。野鶴

溪猿有舊盟。

○秋思

幽室日如年。迴風揚塵埃。時節值秋晏。愁來  
不可排。名都何鬱々。飛閣臨通街。日夕絃歌  
起。音響隨風來。曲調苦且怨。沉吟激餘哀。理  
曲知為誰。無迺蕩子妻。身貞反見棄。歡愛何  
時諧。盛年不再至。華容日益衰。意合忘情異。  
感同難自持。掩耳請勿聽。重聽不勝悲。



秋風

秋風浙々霜眇々。木葉辭條蘭蕙稿。日景不  
至廣室冥。虛櫺危檐飛塵杳。潛無鱗兮舉無  
翰。兀々中處將安還

○黠虜

今日掃平終古  
不可見嗚呼天

黠虜先聲已得志。旌帆來去更縱橫。久歎天  
下無豪傑。誰道胸中有甲兵。終古禁人偵彼  
實。連年任敵探吾情。謀猷顛倒今如此。不識

道是耶非耶

何時見掃平。

漫述

雨風月如晦。頑犬吠成羣。是亦尋常事。利害  
何足言。  
謗者任汝謗。嗤者任汝嗤。天公本知我。不覓  
他人知。



象山先生詩鈔卷之上畢



